

مراجعة على أصول المحاسبة حتى ميزان المراجعة

تتعدد تعريفات المحاسبة، ولكن أستطيع تعريفها تعريفا شاملا في الآتي :

المحاسبة : علم من العلوم الإجتماعية، شأنه شأن أي علم كالفيزياء والكيمياء وغيره، وفن، وهي عبارة عن عملية تسجيل وتبويب وتلخيص العمليات المالية أو الأحداث الاقتصادية في الوحدات الاقتصادية أو الخدمية المختلفة بغرض عرض تلك المعلومات على المهتمين بها من داخل أو من خارج الوحدة، لمعرفة المركز المالي للوحدة ونتيجة أعمالها، من أجل إتخاذ القرارات اللازمة لتنفيذ عملية التخطيط والرقابة ومن ثم الإرتقاء بالوحدة ومن ثم تحقيق رفاهية المجتمع.

العملية المالية : هي تبادل شئ ما بين طرفين والشئ محل التبادل ذو قيمة مادية، مثل شراء أو بيع بضاعة حتى لو كانت بالأجل أي على الحساب، لأن البضاعة محل التبادل تساوي نقود ولها قيمة مادية.

العملية غير المالية : هي عملية لا ينتج عنها تبادل شئ ما ذو قيمة مادية حتى وإن كانت بين طرفين، كطرد الموظف من شركة ما، أما سداد راتب الموظف فتعتبر عملية مالية تسجل في دفاتر الوحدة.

التسجيل أو القيد أو الإثبات : هي عملية تسجيل العمليات المالية التي تحدث في الوحدة أو لا بأول بتاريخ حدوثها، وتسجل تلك العمليات بطريقة تسمى طريقة القيد المزدوج ويتم التسجيل في دفتر يسمى دفتر اليومية.

التبويب والترحيل والتصيد : هي عملية نقل كل حساب على حده من دفتر اليومية إلى دفتر الأستاذ بحيث يبوب كل حساب ونستنتج رصيده النهائي.

التجميع والتلخيص : هي عملية نقل رصيد كل الحسابات من دفتر الأستاذ إلى ورقة واحدة تسمى ميزان المراجعة، بهدف تجميع كل الحسابات وتلخيصها في كشف واحد.

عرض العمليات المالية : هذه المرحلة بعد مرحلة التجميع، وتهدف إلى استنتاج معلومات مالية من تلك

العمليات بعد عرضها في شكل قوائم مالية، وتعرض على المهتمين بهذه المعلومات سواء من داخل الوحدة مثل المدير وصاحب الوحدة، أو من خارج الوحدة مثل مصلحة الضرائب والمستثمرين والدائنين (لهم فلوس في الوحدة).

طبعا المحاسبة تستخدم في الوحدات الإقتصادية الهادفة إلى الربح أو الخدمية الإدارية الغير هادفة للربح عشان نسجل العمليات ونعرض المعلومات لإتخاذ أنسب القرارات، ويمكن تكون الوحدة دي أو المنشأة دي منشأة فردية أو شركات أو حكومية أو حسابات عن دولة عن مصنع، وكل شكل قانوني له فرع المحاسبة المناسب له، عشان كده في فروع من علم المحاسبة زي المحاسبة المالية في المنشآت الفردية ودي اللي بندرسها، والمحاسبة عن التكاليف ومحاسبة الحكومية والقومية والمحاسبة في الشركات والمحاسبة الضريبية وغيره، ولكن المحاسبة المالية هي أم المحاسبات وأساسها وكل مافيهما يكرر في الفروع الأخرى مع إضافات جديدة أو حذف أشياء منها، عشان كده إفهم أصول المحاسبة ترتاح في حياتك ...

طبعا إحنا دراستنا هي المحاسبة المالية في المنشآت الفردية، يعني صاحب المنشأة أو الوحدة شخص واحد فقط.

مبدأ الشخصية المعنوية المستقلة : هو إعتبار المنشأة شخص إعتباري مستقل يعترف به القانون، بحيث يصبح له ممتلكاته الخاصة، وإلتزاماته الخاص بعيد عن صاحب المنشأة، يعني فلوس المنشأة في جنب وفلوسك انت في جنب، واحنا طبعا بنعمل حسابات للمنشأة مش ليك أنت.

الأصول : هي موارد المنشأة أو بمعنى أبسط هي ممتلكات المنشأة (ليك في المنشأة) والأصول زي :
الخزينة - البنك - المدينون (عليهم فلوس للمنشأة) - أوراق القبض (عليهم فلوس للمنشأة زي المدينون بس بوصولات أمانه) - البضاعة والمخزون - الأراضي - المباني - السيارات - العقارات (أرض + مبنى).
وتنقسم الأصول إلى **أصول ثابتة :** وهي الثابتة في مكانها والصعب تحويلها إلى نقدية وهي بالطبع مش فلوس سائلة، وتستخدم تلك الأصول في العمل وليس بغرض إعادة بيعها كالأراضي والمباني والسيارات والعقارات.
أصول متداولة : وهي سهلة التداول وسهلة التحويل إلى نقدية، وهي بالطبع نقدية سائلة أيضا، وتستخدم بغرض إعادة بيعها كالبضاعة والمدينون والخزينة والبنك وأوراق القبض.
أرصدة مدينة أخرى : لا ثابتة ولا متداولة، وهي مثل المصروفات المقدمة (دفعنا مصروف مقدم فبقى لينا

فلوس ممتلك) أو إيرادات مستحقة (لينا إيراد بره لسه مجاش فبقى كده ممتلك)، ويمكن إعتبار الأرصدة المدينة الأخرى أصول متداولة.

الخصوم أو الإلتزامات : هي الإلتزامات التي على المنشأة (اللي عليك في المنشأة) وتكون الإلتزامات بسبب إقتناء الأصول مثلا (شراء أصل على الحساب).

وتنقسم الخصوم إلى خصوم ثابتة أو طويلة الأجل : يعني علينا فلوس وهتتسدد في وقت كبير زي لو أخذنا قرض من البنك.

خصوم متداولة أو قصيرة الأجل أو أرصدة دائنة أخرى : يعني علينا فلوس وهتتسدد في وقت قصير، مثل الدائنون (لهم فلوس عندنا) - أوراق الدفع (لهم فلوس عندنا زي الدائنون بس بوصولات أمانه) - المصروفات المستحقة (علينا مصروفات متأخرة) - إيرادات مقدمة (أخذنا إيراد مقدم مش من حقنا دلوقت فبقى إلتزام علينا لغاية معاده).

حقوق الملكية : هو حق صاحب المنشأة في المنشأة وحقه بيساوي اللي ليه ناقص اللي عليه يعني الأصول ناقص الإلتزامات.

وحق الملكية = رأس المال - المسحوبات (صاحب الشغل سحب فلوس من الشغل لإستخدامه الخاص) + الربح أو الإيرادات - الخسائر أو المصروفات.

المصروفات والخسائر : هي الفلوس اللي دفعناها علشان نجيب إيراد مش عشان نقنتي أصل ثابت، زي الإيجار مثلا ومصروفات نقل البضاعة وأي خسائر زي الديون المعدومة والمرتببات والأجور وأي تكاليف والمشتريات ومردودات المبيعات (عشان لما ترجع بضاعة لينا كنا بعناها قبل كده بندفع فلوس للراجل اللي رجعها)، وبنمسي المصروفات دي مصروفات إيرادية أو جارية، اما الفلوس اللي بندفعها لشراء أصول تسمى أصول أو مصروفات رأسمالية أو استثمارية.

الإيرادات والأرباح : هي الفلوس اللي جت للمنشأة نتيجة أداء خدمة معينة أو بيع بضاعة مثلا. مثل المبيعات وأي ربح ومردودات المشتريات وأي إيراد كإيراد العقار.

إزاي نسجل عملية مالية في الدفاتر ؟

Tawashy.blog.com _ facebook.com/MahmoudTawashy _ Tel: 01068998669

نظام القيد المزدوج :-

يعتبر نظام القيد المزدوج وسيلة متكاملة لقيد العمليات المالية في جميع المنشآت الصغيرة والكبيرة ، لأنه يساعد في فهم العمليات المالية التي حدثت ، وتوضح أثرها على نتيجة أعمال المنشأة ومركزها المالي . ويركز نظام القيد المزدوج على طرفي العملية المالية .

قواعد القيد المزدوج


- ١- لكل عملية مالية طرفان ، طرف مدين (أخذ) وآخر دائن (عاطي) .
- ٢- مبلغ الطرف المدين يساوي مبلغ الطرف الدائن ، لذلك مجموع المبالغ المدبنة يتساوى مع مجموع المبالغ الدائنة (توازن القيد) .

مزايا طريقة القيد المزدوج

- ١- تحقق الدقة والضبط في الدفاتر المحاسبية ، وتساعد في إكتشاف الأخطاء .
- ٢- توفر سجل متكامل لكل العمليات المالية للمنشأة .
- ٣- تسهل من عمل القوائم المالية (قائمة المركز المالي والحسابات الختامية من ربح أو خسارة وهي حسابات النتيجة) .

المدين : هو الشخص الي عليه فلوس لمنشأتنا بالبلدي ، نتيجة شراؤه بضاعة منا على الحساب .
ويطلق على المدين (منه) أي هناخد منه فلوس إن شاء الله لو ماخلعش !
ويطلق عليه أيضا (عليه) أي عليه فلوس ويبقى قابلي لو جابها !

الدائن : هو البني آدم الي له فلوس من محلنا التجاري ، يعني احنا الي علينا له فلوس !
ويطلق على الشخص الدائن (له) يعني له فلوس عندنا بس احنا بقى جدعان وهنسددها !



له
الي
أعطى



منه - عليه
من
أخذ

مكونات القيد المزدوج

- للقيد المزدوج شكل متعارف عليه محاسبيا .

١٠٠٠٠٠ من ح / اسم الحساب المدين

١٠٠٠٠٠ إلى ح / اسم الحساب الدائن

- بص يا سيدي ، القيد المزدوج يتكون من طرف مدين (من ح /) وطرف آخر دائن (إلى ح /) بس كده

أنواع القيد المزدوج

القيد المركب

من مذكورين

٥٠٠٠٠ ح / المشتريات

١٠٠٠ ح / مصروفات المشتريات

٥١٠٠٠ إلى ح / الخزينة

في هذا النوع يكون كل من طرفي القيد

القيد البسيط

** من ح / الخزينة

** ألي ح / المبيعات

يتكون كل طرف من حساب واحد فقط .

أو أحدهما مكونا من أكثر من حساب واحد .

ما هي طريقة معرفة الحساب المدين والحساب الدائن ؟

لو واحد عليه فلوس سهلة، يبقى مدين، إما لو واحد له فلوس سهلة برده، يبقى دائن، طب دي الأشخاص أمال السيارات والبنك والمبيعات والحسابات دي أعرف منين إنها مدين ولا دائن ؟
سهلة أوي، كل ده عن طريق معادلة الميزانية أو معادلة المركز المالي، وهي المعادلة الأساسية في المحاسبة المبني عليها المحاسبة كلها.
ما احنا قولنا ان راس المال وحقوق الملكية = الأصول - الخصوم
إذا المعادلة هي :

$$\underline{\text{الأصول} = \text{الخصوم} + \text{حقوق الملكية}}$$

وبما أن حقوق الملكية = رأس المال - المسحوبات - المصروفات أو الخسائر + الإيرادات أو الأرباح، يبقى نعوض بقى عن حقوق الملكية ونظبط الإشارات
تصبح مشتق معادلة المركز المالي :

$$\underline{\text{الأصول} + \text{المسحوبات} + \text{المصروفات} = \text{الخصوم} + \text{رأس المال} + \text{الإيرادات}}$$

٣ حسابات على اليمين وزيهم على الشمال، كل حساب في جهة عكسة في الجهة الأخرى فالاصول عكس الخصوم والمسحوبات تقلل من راس المال، والمصروفات عكس الإيرادات.

طيب بص يا سيدي المعادلة دي بسهولة بنعرف المدين والدائن ، كده هو :

الأصول + المسحوبات + المصروفات = الخصوم (الإلتزامات) + حقوق الملكية + الإيرادات

طبيعة الحساب	مدين	دائن
الزيادة	مدين	دائن
النقص	دائن	مدين
الرصيد	مدين	دائن

سبق وقلنا من قبل ، أننا نسجل طرفي العملية المالية في طريقة القيد المزدوج في الدفاتر المختصة. ومن البديهي بل لا بد من وجود طرف أخذ وطرف عاطي في العملية المالية.

في المحاسبة أطلقنا على الطرف الآخذ اسم المدين ، والطرف العاطي اسم الدائن.

بعيدا عن المحاسبة ... المدين في الحياة العملية هو الشخص الي عليه فلوس ، والدائن هو الطرف الي له فلوس .

لذلك المدين يطلق عليه منه ، يعني هناخذ منه الفلوس الي عليه ، ويطلق أيضا على المدين عليه ، يعني عليه فلوس لينا . والدائن يطلق عليه له ، يعني له فلوس عندنا.

نرجع ثانيا للمحاسبة يوجد حسابات شخصية في المحاسبة (كحساب منشأة السلام وهكذا...) ويوجد أيضا حسابات أخرى (كحساب المبيعات مثلا) .

لو كان حساب شخصي زي منشأة السلام وخذت مننا بضاعة على الحساب تبقى مدينة صح؟ ولو كانت منشأة السلام ادتنا بضاعة على الحساب تبقى دائنة وده في الحياة العملية والعقل بيقول كده برده....

طيب احنا بقى في المحاسبة عايزين نترجم العملية المالية الي ليها طرفين للغة محاسبية بدل ما نكتب (الشخص الفولاني أو الحساب الفولاني عليه لينا كذا واحنا خدنا كذا وبتاع.....).

عشان كده دخلنا حوار المدين والدائن في المحاسبة عشان تساعدنا في ترجمة العملية المالية وده كويس في الحسابات الشخصية ، طيب وفي الحسابات العادية بدل ما نقول ده خد وده أعطى والبرنجان ده وبتلخ ونسقط في الآخر..... سهلتها عليكم في طريقة مشتق معادلة الميزانية بدل أي طريقة تانية.

هقول لكم قاعده مسلم بيها إن ده مدين يعني أخذ ومنه وعليه أو ده دائن يعني له.

هقسم كل أنواع الحسابات في المحاسبة المالية وتحت كل نوع عناصره ولسة في عناصر كثير هنعرفها بعد كده كلها إن شاء الله زي الشكل اللي فوق ده، وبكده انت عرفت كل حساب مدين ولا دائن.

يعني إية؟ أنا مش فاهم حاجة!!
أبسطها لك..... لو في واحد معاه طبق كشري وأخذت منه....ايبيبيبيبييه..... قصدي.....
بص يا سيدي ، أي أصل مدين ، هو ده طبيعته (قاعدة زي واحد وواحد بيقوا اتنين).... فلو زاد يعني لو أخذ
يبقى زي ماهو ، طب ولو نقص؟ يعني أعطى؟ يتقلب يبقى دائن ، يعني طبيعته هتتغير .
طيب ، أي إيراد دائما بيعطي ، صح ولا إية؟ بيعطينا إيرادات وفلوس يعني دائن بلغة المحاسبة ، طيب لو
زاد يبقى زي ماهو ولو نقص يتقلب ويبقى مدين.
وكده في بقية (خريطة الحسابات) الي كتبتها لكم.....
بالطريقة دي مش محتاج تفكر ده أخذ ولا أعطى ، انت فهمت خلاص لية دخلنا المدين والدائن في المحاسبة
وفهمت الآخذ والعاطي ومنه وله والكلام ده وبدل ما تتلبخ وتقول ده أعطى ويطلع أخذ أصلا ، بالطريقة
دي عبارة عن قاعدة مع فهم بسيط.
أنت تعرف الخريطة بقاعدتها ، وبعد كده كل الي عليك في المسألة أنك تشوف الحساب ده زاد ولا نقص ، لو
زاد يفضل على طبيعته مدين أو دائن ولو نقص يتقلب يا ريس....